



## Beth yw Cynllunio?

Mae dwy elfen i gynllunio – rheoli'r gystadleuaeth am ddefnydd o le, a chreu lleoedd sydd o werth ac sydd â hunaniaeth. Mae'r gweithgareddau hyn yn canolbwyntio ar leoliad ac ansawdd newidiadau cymdeithasol, economaidd ac amgylcheddol.

Mae cynllunio yn gweithredu ar bob graddfa bosibl, o strategaethau cenedlaethol neu ranbarthol ar raddfa fawr i weithio ar lefel leol i ddylunio a threfnu trefi, pentrefi a chymdogaethau.

Mae'n effeithio ar bawb, wrth greu polisiau sy'n nodi'r weledigaeth ar gyfer lleoedd a phenderfyniadau am wahanol faterion – yn amrywio o leoliad cyfleusterau mawr ar gyfer trafniadaeth neu ynni neu ddatblygu cyflogaeth, i ddatblygu siopau, ysgolion, tai neu barciau y mae eu hangen ar gymunedau lleol.

Mae'r broses gynllunio yn ystyried y pethau sy'n werthfawr i ni, ac yn cefnogi ein defnydd parhaus o'n hamgylchedd er mwyn eu cynnal neu eu cyfoethogi – gan gynnwys uniondeb yr atmosffer, cyfyngu ar newid yn yr hinsawdd, darparu cynefinoedd ar gyfer rhywogaethau dan fygythiad, adnabod treftadaeth ddiwylliannol fyd-eang a gwerthfawrogi trefluniau lleol.

Mae cynllunio yn cynnal y goreuon o'n hanes, ac ar yr un pryd yn annog arloesedd wrth ddylunio a datblygu adeiladau a chymdogaethau a fydd yn diwallu ein hanghenion yn y dyfodol.

## Gwybodaeth bellach

Y Sefydliad Cynllunio Tref Brenhinol yng Nghymru (RTPI Cymru)

Blwch SP 2465

Caerdydd CF23 0DS

Ffôn 029 2049 8215

E-bost: [wales@rtpi.org.uk](mailto:wales@rtpi.org.uk)

Royal Town Planning Institute


41 Botolph Lane

London

EC3R 8DL

Mae Comisiwn Dylunio Cymru yn cyhoeddi pecyn adnoddau My Square Mile ar gyfer ysgolion cynradd, sy'n cynnig astudiaeth fwy hirdymor. Mae'r pecyn hwn ar gael oddi wrth y Grid Cenedlaethol ar gyfer Dysgu (o dan CA1) neu o wefan DCfW: [www.dcfw.org](http://www.dcfw.org)

Mawr obeithiwn y bydd hwn yn ddefnyddiol i chi a'ch disgyblion.



## Cwestiynau i hwyluso trafodaeth yn y dosbarth

Er mwyn gweld beth yn union yw diben cynllunio, cyfeiriwch at fan lle ceir llawer o adeiladau, megis canol tref llawn swyddfeydd, siopau, tai a fflatiau, manau chwarae a bwytai, yn ogystal ag adeiladau cyhoeddus megis llyfrgelloedd.

Meddylwch am y dref agosaf a'i thrafod. Beth sy'n dda neu'n wael, sut mae wedi newid, beth fyddai modd ei newid er gwell?

Dyma restr o gwestiynau i'w defnyddio yn y dosbarth. Nodir cwestiynau ategol i hwyluso'r drafodaeth.

- **A oes llawer o draffig yma?**

A yw hyn yn peri problemau wrth groesi'r ffordd? A oes tagfeydd traffig sy'n golygu nad yw'r traffig yn symud yn gyflym? A yw'n swnllyd ac yn ddrewllyd? A ydych chi'n gweld llawer o feiciau?

- **A cheir unrhyw fannau sydd ar gau i geir, sy'n agored i gerddwyr yn unig?**

A yw hi'n haws cerdded o gwmpas yn y manau hyn? A yw'r manau hyn yn well ar gyfer siopa? A yw hi'n ei gwneud yn anodd prynu pethau mawr o'r siopau os nad oes car yn gallu cyrraedd y siop?

- **Sut ydych chi'n cyrraedd y dref?**

Ydych chi'n byw yn ddigon agos i gerdded? Os ydych chi'n mynd yn y car, a yw hi'n anodd parcio, ac a yw hi'n ddud i barcio? A yw hi'n hawdd cyrraedd yno gan ddefnyddio'r bws neu'r trê'n? Sut beth yw defnyddio bws neu drê'n? Beth sydd orau – cerdded, gyrru neu ddefnyddio trafndiaeth gyhoeddus?

- **Ydych chi'n meddwl bod yr ardal yn edrych yn braf?**

Pam ydych chi'n meddwl ei bod hi'n edrych yn braf / yn wael / wedi blino? Beth yw cyflwr yr adeiladau - da neu ddrwg? A oes yma goed / sbwriel / celf gyhoeddus?

- **Faint o goed neu blanhigion sydd o gwmpas?**

A ydyn nhw'n gwneud i'r ardal edrych yn braf? Ydych chi'n meddwl ei bod hi'n bwysig eu cael nhw mewn trefi? A ydyn nhw'n dda i'r amgylchedd? A ydyn nhw'n achosi unrhyw broblemau – e.e. colli dail yn yr hydref, neu'r gwreiddiau'n torri'r palmentydd?

- **A welwch chi unrhyw hen adeiladau?**

A ydyn nhw'n edrych yn dda? Ydyn nhw'n adfeilio? A yw hi'n beth da cadw hen adeiladau hanesyddol?

- **A yw'r strydoedd yn lân neu a oes llawer o sbwriel yma?**

Beth ydych chi'n meddwl am y sbwriel? Ydych chi'n meddwl y dylech chi roi eich sbwriel yn y bin bob tro? A yw lleoedd yn edrych yn brafiach os nad oes unrhyw sbwriel o gwmpas y lle?

- **Ydych chi'n meddwl bod y dref yn ddiogel?**

Beth sy'n gwneud y dref yn ddiogel? A oes problemau yn ymwneud â thraffig / goleuadau stryd / strydoedd tywyll lle gallai pobl guddio?

- **Sut mae'n cymharu â threfydd eraill yr ydych chi wedi ymweld â hwy?**

Ydych chi wedi bod i dref y tu allan i Brydain – sut mae'n cymharu â thref ym Mhrydain?

- **Beth yw'r prif wahaniaeth rhwng trefi mawr a threfi bach?**

